



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA E APELIT PRISHTINË

Numri i lëndës: 2022:272098
Datë: 21.12.2023
Numri i dokumentit: 05107205

Ka. nr. 444/2023

GJYKATA E APELIT E KOSOVËS, në Kolegjin e përbërë nga gjyqtarët: Azra Cakolli kryetare e kolegjit, Ramiz Kuqi dhe Skender Çoçaj, anëtarë, në çështjen kundërvajtëse ndaj të pandehurit Subjektit Ekonomik – Person Juridik “Mega Petroll”, SHPK, me NUI 810375320, me seli në fshatin Gracë e Vjetër - Komuna Lipjan, me Drejtor Muharrem Lecaj, për kundërvajtje nga neni 13 par. 2 sanksionuar me nenin 19 par. 8 pika 8.1e Ligjit Nr. 08/L-018 1 për Tregti me Produktet të Naftës dhe Karburanteve të Ripërtrishme, duke vendosur sipas ankesës të paraqitur nga Ushtruesi i Kërkesës - MINT-së - Inspektorati i Tregut, kundër aktgjykimit të Gjykatës Themelore në Prishtinë - Dega në Lipjan - Divizioni i Kundërvajtjes, K. nr. 1528/2022, të datës 16.10.2023, në bazë të nenit 55 par. 3 dhe neni 78, konform të nenit 143 par. 3, të Ligjit për Kundërvajtje, Nr. 05/L-087, në seancën e kolegjit të mbajtur më datë 09.01.2024, mori këtë:

A K T G J Y K I M

APROVOHET ankesa e paraqitur nga ushtruesi i Kërkesës-ankesës MINT-së - Inspektorati i Tregut, si e bazuar.

NDRYSHOHET aktgjykimi i Gjykatës Themelore në Prishtinë - Dega në Lipjan - Divizioni i Kundërvajtjes, K. nr. 1528/2022, i datës 16.10.2023, vetëm sa i përket gjobës së shqiptuar, ashtu që ndaj të pandehurit Subjektit Ekonomik Ekonomik Personi Juridik “Mega Petroll”, SHPK, me NUI 810375320, me seli në fshatin Gracë e Vjetër - Komuna Lipjan, me Drejtor Muharrem Lecaj, për kundërvajtje nga neni 13 par. 2 sanksionuar me nenin 19 par. 8 pika 8.1 e Ligjit Nr. 08/L-018 1 për Tregti me Produktet të Naftës dhe Karburanteve të Ripërtrishme, konform nenit 35 të LK-së, i shqiptohet gjoba në shumë prej 2000(dymijë)€, të cilën ka për ta paguar në afat prej 15 ditësh, nga dita e plotfuqishmërisë së këtij aktgjykimi, në të kundërtën nëse gjobën e shqiptuar nuk e

paguan në afatin e caktuar e njëjta do të arkëtohet me dhunë sipas Ligjit për Procedurën Përmbarimore.

Në pjesën tjetër aktgjykimi mbetet i njëjtë.

Nga një kopje të këtij aktgjykimi duhet dorëzuar palëve.

A r s y e t i m

Gjykata Themelore në Prishtinë - Dega në Lipjan - Divizioni i Kundërvajtjes, duke vendosur sipas Kërkesës për fillimin e procedurës kundërvajtëse të ushtruar nga ana e MTI-së - Inspektorati i Tregut, me numër të Ref. 19/2022 të datës 28.10.2022, me numër të Protokollit 6563-19, me aktgjykim me aktgjykim K. nr. 1528/2022, të datës 16.10.2023, të pandehurin Subjektin ekonomik "Mega Petroll", SHPK, me NUI 810375320, me seli në fshatin Gracë e Vjetër - Komuna Lipjan, me Drejtor Muharrrem Lecaj, e ka shpall përgjegjës sepse:

- me datë 19.10.2022, Inspektorët e Inspektoratit të Tregut, në bashkëpunim me Trupën Inspektuese "Sierra Lab", të autorizuar nga MINT (për vlerësimin e konformitetit të karburanteve të lëngëta të naftës), me Procesverbal Nr. 22/00212, kanë marr mostrat për derivate të lëngëta të naftës për Dizel dhe Benzinë, me qëllim të verifikimit të cilësisë në pikën shitëse me pakicë të Derivateve të Naftës, mirëpo pas arritjes së raportit të testimit të cilësisë të datës 20.10.2022, rezulton që derivati i testuar Dizel është JOKONFORM me parametrat e përcaktuara me Udhëzimin Administrativ Nr. 01/2017 Për Cilësinë e Karburanteve të Lëngëta të Naftës, parametri i pikës së ndezjes ka qenë 39°C, ndërsa vlera e lejuar minimale është 55°C, me datë 21.10.2022, është njoftuar Operatori Ekonomik "Mega Petroll", SHPK, Njësia në Grackë e Vjetër - Lipjan, për rezultatin JOKONFORM ju është dhënë mundësia e ushtrimit të kërkesës për super analizë, Subjekti Ekonomik "Mega Petroll", SHPK, nuk ka bërë kërkesë për super analizë në afati prej tri (3) ditësh, inspektori i tregut do të konsideroj që është pajtuar me rezultatet e parë, prandaj vendimtar konsiderohet rezultati i analizës së parë, Referuar Raportit të Testimit të cilësisë Nr. 566/2022-TI-M të datës 20.10.2022 rezulton që derivatet e atestuara Dizel është JOKONFORM me parametrat e përcaktuar me Udhëzimin Administrativ Nr. 01/217 Për Cilësinë e Karburanteve të Lëngëta të Naftës, ku një veprim i tillë bie ndesh me nenin 19 par. 8 pika 8.1 të Ligjit nr. 08/L-018 Për Tegetin me Produkte të Naftës dhe Karburanteve të Ripërtrishme.

-me çka ka kryer vepër të kundërvajtjes neni 13 par. 2 të Ligjit nr.08/L-018 Për Tregti me produkte të naftës dhe karburanteve të ripërtrishme", neni 7 të Udhëzimit Administrativ Nr. 01/L-2017 Për Cilësinë e Karburanteve të Lëngëta të Naftës, e i është shqiptuar dënimi me gjobë në shumë prej 300(treqind)€, të cilën ka për ta paguar në afat prej 15 ditësh, nga dita e plotfuqishmërisë së aktgjykimit, në të kundërtën gjoba e shqiptuar do të arkëtohet me dhunë sipas dispozitave të Ligjit për Procedurën Përmbarimore.

Ne emër të shpenzimeve procedurale është i obliguar, kësaj gjykate t'ia paguaje paushallin gjyqësor ne shume prej 5(pesë)€, në afat të njëjtë sikurse edhe gjobën.

Kundër këtij aktgjykimi ushtruesi i Kërkesës MINT – Inspektorati i Tregut, ka paraqitur ankesë për shkak të vërtetimit të gabuar dhe jo të plotë të gjendjes faktike, aplikimit të gabuar të së drejtës materiale dhe aplikimit të gabuar të procedurës kundërvajtëse.

Në arsyetim të ankesës veç tjerash thekson se: gjykata gabimisht ka aplikuar të drejtën materiale, në rastin e shqiptimit të gjobës në shumë prej 500€, sepse subjekti në fjalë ka kryer kundërvajtjen nga neni 13 të Ligjit Nr. 08/L-018 Për Tregti me produkte të naftës dhe karburanteve të ripërtrishme”, neni 7 të Udhëzimit Administrativ Nr. 01/L-2017 Për Cilësinë e Karburanteve të Lëngata të Naftës, dmth mashtrim në cilësinë e derivateve të naftës subjektet kanë për detyrë të garantojnë cilësinë e karburanteve, që tregtohen në R. Kosovës, sepse sipas neni 16 par. 1 pika 1.2 Subjektet duhen të mbajnë dhe të afrojnë për shitje produkte që përmbushin standarde e cilësisë së përcaktuar me ligj dhe akte nënligjore. Konsiderojnë se ky dënim me gjobë është plotësisht në kundërshtim me ligjin për Tregtinë me produkte të naftës dhe karburanteve të ripërtrishme dhe si i tillë nuk e arin qëllimin e inspektimit.

I propozon Gjykatës se Apelit - Divizioni i Kundërvajtës, që ankesën ta aprovoj si të bazuar, aktgjykimin e goditur ta Anuloj dhe lëndën ta kthej në rivendosje në gjykatën e shkallës së parë.

Kolegji i Gjykatës së Apelit - Divizioni i Kundërvajtës, duke i vlerësuar thëniet në ankesën e paraqitur nga ushtruesi i Kërkesës, aktgjykimin e goditur, si dhe shkresat tjera të lëndës konstatoi se ankesa e paraqitur, është pjesërisht e bazuar dhe aprovohet vetëm sa i përket vendimit mbi dënim.

Kolegji Konstaton se Gjykata e shkallës së parë, gjatë zhvillimit të procedurës për veprën kundërvajtëse, kundër të pandehurit Subjektit Ekonomik “Mega Petroll”, SHPK, me NUI 810375320, me seli në fshatin Gracë e Vjetër - Komuna Lipjan, me Drejtor Muharrem Lecaj, ka vendosur në bazë të nenit 48 par. 2 të LK-së, pasi që për këtë janë plotësuar kushtet ligjore. Sipas provave nga shkresat e lëndës (fletë dorëzimit) konstatohet padyshim se i pandehuri është ftuar në mënyrë të rregullt të dëgjohet me datë 16.10.2023, pasi që ftesa është e nënshkruar mirëpo i njëjti nuk i është përgjigjur ftesës, që të vij në seancë gjyqësore Përfaqësuesi i subjektit ekonomik për ti paraqitur provat eventuale të cilat shkojnë në favor të tij, e mos ardhjen nuk e ka arsyetuar me asgjë, andaj gjykata e shkallës së parë sipas nenit 48 par. 2 të LK-së, ka pasur të drejtë që kundër të pandehurit të vendos në mungesë.

Në bazë të Procesverbalit të inspektimit, nr. 00217/22, të datës 22.10.2022, Procesverbalin me nr. 00212, të datës 19.10.2022, Regjistrimit të marrjes së mostrës, Raportit të Inspektimit me shifër 566/22-TI-M, të datës 20.10.2022 (Jo Konform), ku ka rezultuar se produkti i testuar dizel nuk është konform me parametrat të përcaktuara me UA nr. 01/2017 për Cilësinë e Karburanteve të naftës, Pika e ndezjes ka qenë 39°C, ndërsa vlera e lejuar minimale është 55°C, si dhe në bazë të shkresave tjera të lëndës, padyshim se e ka vërtetuar gjendjen faktike se i pandehuri ka kryer vepër kundërvajtëse, nga neni 13 të Ligjit nr.08/L-018 Për Tregti me produkte të naftës dhe karburanteve të ripërtrishme”, neni 7 të Udhëzimit Administrativ Nr. 01/L-2017 Për Cilësinë e Karburanteve të Lëngata të Naftës, për të cilën mban përgjegjësi kundërvajtëse, ndërkaq sipas ligjit është i obliguar që të iu garantoj dhe shes klientëve të tij naftë dhe produktet e saj me cilësi ashtu siç e

parasheh ligji, neni 13 par. 2 (garantojnë cilësinë e karburanteve që importojnë ose trgojnë në Republikën e Kosovës sipas Ligjit Nr. 08/1-018 që sanksionohet me nenin 19 par. 8 pika 8.1 personi juridik dënohet me gjobë prej 15.000 - 40.000€.

Kolegji konstaton se pretendimet ankimore të ushtruesit të ankesës – Kërkesës, janë të bazuara, në ç rast mori parasysh peshën dhe rrezikshmërinë e veprës së kryer, andaj gjoba e shqiptuar nga gjykata e shkallës së parë me aplikim të nenit 35 të LK-së, në shumë prej 300(treqind)€, nuk është adekuate me shkallën e përgjegjësisë, peshën, rrezikshmërinë dhe pasojat, andaj vendimi mbi dënimin ka mbetur i pa bazuar në prova bindëse të cilat do të mund të arsyetonin shqiptimin e dënimit në shumë prej 300 €.

Si rrjedhojë e të cekurave më lartë Kolegji e NDRYSHOJ aktgjykimin e goditur, vetëm sa i përket gjobës së shqiptuar, ashtu që të pandehurit Subjektit Ekonomik "Mega Petroll", SHPK, me NUI 810375320, me seli në fshatin Gracë e Vjetër - Komuna Lipjan, me Drejtor Muharrrem Lecaj, për kundërvajtje nga neni 13 par. 2 dhe neni 16 par. 1 pika 1.2 sanksionuar me nenin 19 par. 8 pika 8.3 e Ligjit Nr. 08/1-018 1 për Tregti me Produktet të Naftës dhe Karburanteve të Ripërtrishme, konform nenit 35 të LK-së, i shqiptoi gjobën në shumë prej 2000(dymijë)€, duke marrë parasysh shkallën e përgjegjësisë se të pandehurit, peshën, rrezikshmërinë, pasojat e veprës së kryer, duke konsideruar se me gjobën e shqiptuar tani do të arrihet qëllimi i ndëshkimit ashtu që i pandehuri në të ardhmen të mos kryej vepra kundërvajtëse të njëjta apo të ngjashme.

Në vështrim të nenit 143 par. 1 dhe par. 3 të LK-së, u vendos si në dispozitiv të këtij aktgjykimi.

Kundër këtij aktgjykimi nuk është e lejuar ankesa.

GJYKATA E APELIT E KOSOVËS
Ka. nr. 444/2023, me datë 09.01.2024,



KRYETARJA E KOLEGJIT,
Azra Cakolli